

Morning Dogri (NSD) National News Bulletin 20-01-2025

आकाशवाणी

खबरां नाट्यपाल सिंह कोला ।

- डोनाल्ड जे ट्रंप होर अमरीका दे 47में राष्ट्रपति दे औहदे दी संगघ चुकगंन।
- 2. विश्व आर्थिक फौरम दी 55मीं सलाना बैठक स्वीजरलैंड दी दावोस थाहर शुरू होग।
- 3. ईजरायल ने आक्खेया जे गजा च हमास आसेया 15 म्हीने थमां बंधक बनाईयै रखे गेदे 3 ईजराइली नागरिक वापस परतोई आए न।
- 4. लोकसभा दे स्पीकर ओम बिरला होर पटना च ऑल इंडिया प्रसाइडिंग अफसरें दे दौ रोजा सम्मेलन दा उद्घाटन करगंन।
- 5. मौसम मैहकमें मूजब पच्छमी खोदल करी अगले 5एं दिनें तोड़ी जम्मू कश्मीर, हिमाचल प्रदेश, उत्तराखंड ते पच्छमी हिमालय क्षेत्र च बरखा ते बर्फबारी दा अनुमान लाया ऐ।
- 6 खो खो विश्व कप दे पैहले संस्करण च भारतीय मर्दे ते महिला टीम विश्व चैम्पियन बनी गई ऐ।

< > < > < > < > < > < >

Donald Trump

डोनाल्ड जे ट्रंप होर अमरीका दे 47में राटपति दे औहदे दी संगघ चुकगन। शपथ ग्रहण समारोह भारतीय समे मूजब रातीं साढ़े 8 बजे होग। प्रधानमंत्री नरेन्द्र मोदी हुंदी थाहर विदेश मंत्री डॉ. एस.जयशंकर भारत दी अगुवाई करगन।

< > < > < > < > < > < >

WEF

थ्वश्व आर्थिक फोरम दी 55मीं सलाना बैठक अज्जै थमां स्वीजरलैंड दी दावोस थाहर शुरु होआ'रदी ऐ। 5एं दिनें दे इस सम्मेलन च समग्र विकास ते डिजीटल क्रांति सरबन्धी भारत दे

दृष्टिकोण बारे दस्सेआ जाग। भारतीय व्रतिनिधिमंडल दी अगुवाई सूचना ते प्रसारण मंत्री अश्विनी वैष्णव होर करा'रदे न। उंदे कन्नै इस सम्मेलन च जल शक्ति मंत्री सी.आर.पाटिल, सिविल हवाबाजी मंत्री के.राममोहन नायडू, खाने पीने दी चीजें गी डब्बा बंद करने सरबंधी उद्योगें दे मंत्री चिराग पासवान ते महारत विकास ते उधमकारखाना सरबंधी मैह्कमे दे राज्यमंत्री जयंत चौधरी होर बी शामिल होंगन।

<><><><><><>

Isreal Gaza

गजा च हमास आस्सेआ बंधक बनाए गेदे त्रै इजराइली नागरिक 15 म्हीनें मगरा वापस स्वदेश परतोई आए। इजराइली रक्षा बल आस्सेआ जारी फुटेज च त्रै बंधकें गी रैड क्रास आस्सेआ सौंपे जंदे दस्सेआ गेआ ऐ।

<><><><><><>

Om Birla

25में ऑल इंडिया प्रसाइडिंग दे अफसरें दा दो रोजा सम्मेलन अज्जै पटना च शुरू होग। लोकसभा दे सपीकर ओम बिरला होर सम्मेलन दा उद्घाटन करगंन। एह सम्मेलन बिहार च 43 ब'रें मगरा आयोजित कीता जा'रदा ऐ। मुल्खै दी बक्ख-बक्ख विधानमंडली इकाइएँ लोकसभा ते राज्यसभा थमां प्रेसाइडिंग अफसर इस सम्मेलन च शामिल होंगन ते इस ब'रे दा विशे सार उप्पर चर्चा करगंन। इस ब8रे दा विशे सार रखेआ गेदा ऐ संविधान दे 75 ब'रे ते संविधानिक मुल्लें गी होर तगड़ा करने च संसद ते राज्य विधानसभाएं दा योगदान।

<><><><><><>

Delhi Election

दिल्ली विधानसभा चुनाएं च नामांकन वापस लैने दी अज्ज खीरी तरीक ऐ। दिल्ली विधानसभा दी 70एं सीटें लेई कुल 719 मेदवार चुनावी मैदान च न। सारें शां मते 23 मेदवार नमीं दिल्ली विधानसभा सीटे पर चुनां लड़ारदे न जदकि पटेल नगर ते कस्तूरबा नगर पर छड़े 5-5 मेदवारें नामांकन भरे दे न। मुख चूनां अधिकारी मूजब 1 ज्हार 522 नामांकन पत्रें च 477 नामांकन रदद् करी दिते गए न। दिल्ली विधानसभा चुनाएं लेई अगले म्हीने दी 5 तरीक गी वोट पुआए जांगन जदकि वोटें दी गिनतरी 8 फरवरी गी होग।

<><><><><><>

UP-Mahakumbh

उत्तर प्रदेश दे मुख्यमंत्री योगी आदित्यनाथ होरें गणतंत्र दिवस ते मौनी अमावस्या ते बसंत पंजमी अमृत स्नान गी दिक्खदे होई प्रयागराज महाकुंभ मेला क्षेत्र च भीड़ दे प्रबंधन ते संचार बवस्था मजबूत करने दा निर्देश दित्ता ऐ। इस म्हीने दी 29 ते अगले म्हीने दी 3 तरीक गी अमृत स्नान दरान सुरक्षा बवस्था गी होर मजबूत करने लेई आखेआ गेआ ऐ।

<><><><><><><>

IMD

मौसम विभाग पै पच्छमी हिमालय क्षेत्र जम्मू कश्मीर, हिमाचल प्रदेश ते उत्तराखंड च पच्छमी करी अगले 5एं दिनें तगर बरखा ते बर्फबारी दा अनुमान जाहर कीता ऐ। मौसम विभाग दे वैज्ञानिक डॉ. नरेश कुमार होरें आकाशवाणी समाचार कन्नै खास गल्लेबात च पंजाब, हरियाणा, पच्छमी उत्तर प्रदेश, उत्तरी राजस्थान, राष्ट्रीय राजधानी दिल्ली ते आले दुआले दे क्षेत्रें च बुधवा ते वीरवार गी बरखा होने दा अनुमान जाहर कीता ऐ।

<><><><><><><>

EPFO

कर्मचारी भविष्य निधि संगठन नै सदस्यें दे प्रोफाइल गी समें सिर तैआर करने दी प्रक्रिया आसान करी दित्ती ऐ। आधार कन्ने जिंदे खाता जुड़े दा ऐ ऐसे सदस्य अपनी सरबंधत जानकारी जियां नां, जन्म दी तरीक, लिंग, राष्ट्रीयता, पिता ते माता दा नां, नौकरी जायन करने ते छोड़ने दी तरीक बिजन कुसै दस्तावेज गी अपलोड कीते बगैर अपडेट करी सकदे न।

<><><><><><><>

Post Department

डॉक विभाग अज्ज नमीं दिल्ली च भारतीय संविधान लागू होने दे 75 बरें पूरे होने दे मौके पर त्रै दिनें दा समारोह आयोजित करोग। एह समारोह राष्ट्रीय डॉक टिकट संग्रहालय च आयोजित होग। एह समारोह राष्ट्रीय डॉक टिकट संग्रहालय च आयोजित होग। एहदे च लोकें आस्तै गतिविधियां होंदी इंदे च प्रदर्शनी, सुआल जवाब, डॉक सफारी ते चिट्ठी लिखने सरबन्धी प्रतियोगिता शामिल ऐ।

<><><><><><>

Death Toll Rajouri

राजौरी जिले दे बडहाल ग्रां च रहस्यमयी बमारी कन्नै मरने आलें दी गिनतरी बधियै 17 होई गेई ऐ। कल 17मीं मौत 15 बरे दी यासमीन, जेहड़ी एसएमजीएस अस्पताल जम्मू च भर्ती ही, होई ऐ। यासमीन उस अभागे मोहम्मद असलम दी धह ही जेहड़ा पिछले लगभग दऊं म्हीनें दरान इस रहस्यमयी बमारी दी वजह कन्नै एहदे कोला पेहले अपने 5 बच्चे गोआई चुके दा ऐ ते यासमीन ओहदा खीरला बच्चा हा। तोआई देशे दे बक्ख-बक्ख संस्थाने च कीते गेदे नमूने दी जांच दे बाद वायरस जां इनफैक्शन इे असार थमां इंकार कीता गेआ ऐ। बक्ख-बक्ख मंत्रालयें ते मन्ने परमन्ने दे संस्थाने दे माहिी मकामी प्रशासन कन्नै मिलियै बडहाल ग्रां च होई दी मौतें दे पिछे दे कारणें दी जांच करगंन।

<><><><><><>

Kho Kho

टीम इंडिया नै पैहले खो खो विश्व कप च मर्दे ते महिला दौनें वर्गे दे खिताब जित्तिायै इतिहास रची दित्ता ऐ। इंदिरा गांधी इंडोर स्टेडियम च भारतीय टीमें खताबी मकाबले च फुर्ती, बेहतर रणनीति ते शानदार खेड कौशल दा प्रदर्शन कीता। भारतीय मर्दे दी टीम नै नेंपाल खलाफ फाइनल मैच च 54–36 दे स्कोर कन्नै जित्तेआ। एहदे थमां पैहली भारतीय महिला टीम नै बी फाइनल च नेपाल गी 78–40 कन्नै हराया। राष्ट्रपति द्रौपदी मुर्मू ते प्रधानमंत्री नरेन्द्र मोदी होरें दौनें टीमें गी ममारकबाद दित्ती ऐ। राष्ट्रपति मुर्मू होरें पैहली खो-खो विश्व कप जित्तने पर भारतीय मर्दे ते महिला टीमें गी बधाई दित्ती। सोश मीडिया पोस्ट च राष्ट्रपति होरें आखेआ जे खडारिएं मुख्य दी इस रिवायती खेड च अपना बेहतरीन प्रदर्शन कीता ऐ। प्रधानमंत्री मोदी होरें बी मर्दे ते महिला टीम गी बधाई दित्ती। उनें आखेआ जे एह जित्त खडारिएं दे कोशल, संकल्प ते आपसी तालमेल दा नतीजा ऐ। उनें आखेआ जे इस जित्त नै मुख्य दी रिवायती खेडें आली भेठा अपना ध्यान आकर्शित कीता ऐ।

<><><><><><>